



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06 i 4/12), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Kantona Središnja Bosna/Srednjobosanskog kantona”, broj: 7/11) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj: 13/19), a na zahtjev Ureda za javne nabave za potrebe korisnika proračuna Kantona Središnja Bosna, Agencija za državnu službu Federacije Bosne i Hercegovine, objavljuje

JAVNI KONKURS

za popunu radnih mjesta državnih službenika u Uredu za javne nabave za potrebe korisnika proračuna Kantona Središnja Bosna

Radna mjesta:

- 01. Stručni savjetnik za pripremu javne nabave** - 1 (jedan) izvršitelj
02. Viši stručni suradnik za podršku, evidentiranje i izvještavanje - 1 (jedan) izvršitelj

01. Opis poslova: praćenje i proučavanje stanja i pojava u području javnih nabava, a posebno praćenje i analiziranje tržišta i ponuda na tržištu roba, usluga i radova u cilju uspješne pripreme postupaka javnih nabava s prijedlogom mjera za unaprjeđenja u navedenom području i rješavanje utvrđenih problema; poslovi izrade, odnosno analize, provjere i kontrole već pripremljenih tehničkih i stručnih podloga, projekata, troškovnika, specifikacija, posebnih uvjeta i zahtjeva kod opisa predmeta nabave, s ciljem izbjegavanja grešaka u javnim nabavama i štetnih posljedica; praćenje propisa iz oblasti javnih nabava, prakse Ureda za razmatranje žalbi, sudske prakse, objavljenih stručnih mišljenja i mišljenja nadležnih tijela; obavljanje svih poslova u dodijeljenom postupku javne nabave u cilju uspješne pripreme, provođenja i okončanja postupka javne nabave, kao i realizacije ugovora o javnoj nabavi; sudjelovanje u radu povjerenstva koje provodi postupak javne nabave; drugi poslovi po nalogu rukovoditelja Ureda.

02. Opis poslova: pripremanje i poduzimanje odgovarajućih mjera, radnji i postupaka radi implementacije, razvoja i upravljanja sustavom e-nabave i drugih naprednih tehnologija za provedbu i nadzor nad sustavom javne nabave, s prijedlogom mjera za unaprjeđenja u navedenom području i rješavanje utvrđenih problema; izrada plana i programa obuke Korisnika Proračuna za rad u aplikacijama i elektronskim sustavima za javne nabave i vršenje iste; pružanje podrške Korisnicima Proračuna i komunikacija s istim u svezi pitanja pripreme provođenja i realizacije javnih nabava; uspostavljanje izrada i vođenje evidencija iz oblasti javnih nabava; izrada odgovarajućih materijala kojima se vrši informiranje o stanju i problemima vezanim uz javne nabave, kao i predlaganje mjera kojima se osigurava izvršavanje propisa iz oblasti javnih nabava; sudjelovanje u radu povjerenstva koje provodi postupak javne nabave; drugi poslovi po nalogu rukovoditelja Ureda.

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu, kandidati moraju ispunjavati i sljedeće posebne uvjete, i to za:

Radno mjesto 01:

- VII stupanj stručne spreme – diplomirani inženjer građevine, arhitekture, strojarstva, prometa, informatike ili elektrotehnike, odnosno visoko obrazovanje drugog ciklusa Bolonjskog sustava studiranja (300 ECTS bodova) građevinske, arhitektonske, strojarske, prometne, informatičke ili elektrotehničke struke, sa kontinuitetom u struci u oba ciklusa,
- najmanje 3 (tri) godine radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru,

Radno mjesto 02:

- VII stupanj stručne spreme – ekonomski ili pravni fakultet, odnosno visoko obrazovanje prvog ciklusa Bolonjskog sustava studiranja (240 ECTS bodova) ekonomske ili pravne struke,
- najmanje 2 (dvije) godine radnog staža u struci nakon sticanja visoke stručne spreme, odnosno visokog obrazovanja,
- poznavanje rada na računaru.

Prijavljivanje - potrebni dokumenti:

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Zeničko-dobojski i Srednjobosanski kanton, ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Zeničko-dobojski i Srednjobosanski kanton ili na web stranici Agencije www.adsfbih.gov.ba).
Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritetno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH
Odjeljenje Agencije za Zeničko-dobojski i Srednjobosanski kanton
Kučukovići br. 2, 72000 Zenica
sa naznakom:**

**“Javni konkurs za popunu radnih mjesta državnih službenika u
Uredu za javne nabave za potrebe korisnika proračuna Kantona Središnja Bosna
sa pozivom na broj: 08-30-8-40/20“**

DIREKTOR

Refik Begić, magistar uprave